



სსიპ საქართველოს ტექნიკური უნივერსიტეტის
აკადემიური საბჭო
დადგენილება № 01-05-04/158

ქ. თბილისი

18 ივნისი 2018

საქართველოს ტექნიკური უნივერსიტეტის ფაკულტეტებზე ღია კონკურსის გამოცხადების
შესახებ

„უმაღლესი განათლების შესახებ“ საქართველოს კანონის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის - საქართველოს ტექნიკური უნივერსიტეტის წესდების“, სტუ-ში აკადემიური პერსონალის სამსახურში მიღების წესის, სტუ-ის აკადემიური პერსონალის აფილირების წესისა და აკადემიური საბჭოს 2018 წლის 18 ივნისის №01-05-02/11 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

I. აკადემიური საბჭოს მიერ 2017-2018 სასწავლო წლის განმავლობაში მიღებული გადაწყვეტილებების შესაბამისად სსიპ საქართველოს ტექნიკური უნივერსიტეტის (შემდგომში უნივერსიტეტი) ქვემოთ ჩამოთვლილ ფაკულტეტებზე 2018 წლის 23 ივნისს გამოცხადდეს ღია კონკურსი 2018-2019 სასწავლო წლიდან 4 წლის ვადით აკადემიური თანამდებობების (სრული პროფესორი, ასოცირებული პროფესორი, ასისტენტ-პროფესორი და ასისტენტი) დასაკავებლად:

1. სამშენებლო ფაკულტეტი;
2. ენერგეტიკისა და ტელეკომუნიკაციის ფაკულტეტი;
3. ქიმიური ტექნოლოგიისა და მეტალურგიის ფაკულტეტი;
4. სატრანსპორტო და მანქანათმშენებლობის ფაკულტეტი;
5. არქიტექტურის, ურბანისტიკისა და დიზაინის ფაკულტეტი;
6. სამართლისა და საერთაშორისო ურთიერთობების ფაკულტეტი;
7. ინფორმატიკისა და მართვის სისტემების ფაკულტეტი;
8. აგრარული მეცნიერებებისა და ბიოსისტემების ფაკულტეტი;


9. საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტი.
- II. დამტკიცდეს ვაკანტური აკადემიური თანამდებობების ჩამონათვალი შესაბამისი საგანთა ჯგუფებით (დანართი 1);
- III. დამტკიცდეს საკონკურსო პირობები და კონკურსზე წარსადგენი დოკუმენტების ნუსხა (დანართი 2);
- IV. დამტკიცდეს დარგობრივი საკონკურსო კომისიების შემადგენლობები (დანართი 3);
- V. დამტკიცდეს საკონკურსო დოკუმენტების, აგრეთვე აფილირებისა და შრომითი ხელშეკრულებების ფორმები (დანართი 4);
- VI. საკონკურსო განცხადებების მიღება დაიწყოს 2018 წლის 24 ივლისიდან და გაგრძელდეს 26 ივლისის ჩათვლით ყოველდღე 10⁰⁰-დან 17⁰⁰ საათამდე საკონკურსო კომისიის სამდივნოში;
- VII. კონკურსი ჩატარდეს 2018 წლის 03 სექტემბრიდან 05 სექტემბრის ჩათვლით. კონკურსის პირველადი შედეგები შესაბამისი საკონკურსო კომისიის მიერ გამოქვეყნდეს არაუგვიანეს 2018 წლის 05 სექტემბრისა, გაიკრას თვალსაჩინო ადგილზე და განთავსდეს უნივერსიტეტის ვებგვერდზე: www.gtu.ge;
- VIII. კონკურსი ჩატარდეს "უმაღლესი განათლების შესახებ" საქართველოს კანონის, უნივერსიტეტის წესდებისა და "აკადემიური პერსონალის სამსახურში მიღების წესის შესახებ" დებულების შესაბამისად;
- IX. საკონკურსო კომისიის მიერ გათვალისწინებულ იქნეს: კონკურსანტის კვალიფიკაციისა და კომპეტენციის შესაბამისობა საკონკურსო თანამდებობასთან, მათ შორის საკონკურსო თანამდებობის პროფილის შესაბამისი სამეცნიერო-კვლევითი, პრაქტიკული, სასწავლო-მეთოდური და პედაგოგიური საქმიანობა; სხვა აქტივობები, მიღწევები, კვალიფიკაციები, გამოცდილება და დამსახურება; ასევე (კომისიის გადაწყვეტილებით) კონკურსანტის მიერ ჩატარებული ლექციის ან/და საკონკურსო კომისიის მიერ კონკურსანტთან (კონკურსანტებთან) ჩატარებული ინტერვიუს შედეგები;
- X. კონკურსის ჩატარების წესის დარღვევასთან დაკავშირებით საკონკურსო კომისიაში განცხადებების/საჩივრების მიღება მოხდეს 2018 წლის 08 სექტემბრის ჩათვლით.
- XI. კონკურსის შედეგების დამტკიცება აკადემიურ საბჭოში და კონკურსის საბოლოო შედეგების გამოქვეყნდება უნივერსიტეტის ვებგვერდზე (www.gtu.ge), აგრეთვე კონკურსში გამარჯვებულ პირებთან აფილირებისა და შრომითი ხელშეკრულებების გაფორმება მოხდეს 2018-2019 სასწავლო წლის დაწყებამდე 2 კვირის ვადაში;
- XII. უნივერსიტეტის ადმინისტრაციამ უზრუნველყოს, კონკურსის ჩატარებასთან დაკავშირებით, საჭირო ორგანიზაციული ღონისძიებების განხორციელება;
- XIII. დადგენილება ამოქმედდეს მიღებისთანავე.

აკადემიური საბჭოს თავმჯდომარე



ა. ფრანგიშვილი

აკადემიური საბჭოს მდივანი



გ. სალუქვაძე